



Broj: 01/2-18-2670/19  
Ilijaš, 29.12.2021. godine

**PREDMET: POZIV NA UČEŠĆE U AKTIVNOSTIMA RADNIH TIJELA POVODOM IZRADE STRATEGIJE RAZVOJA OPĆINE ILIJAŠ 2021-2027.**

Poštovani,

Obavještavamo Vas da je Općina Ilijaš u završnoj fazi izrade Nacrta Strategije razvoja Općine Ilijaš za period 2021-2027. godina (u daljem tekstu: "Strategija").

Zakonski osnov pripreme ovog dokumenta je Zakon o razvojnom planiranju i upravljanju razvojem FBiH ("Službene novine Federacije BiH", br. 32/17), te Uredba o izradi strateških dokumenata u Federaciji BiH ("Službene novine FBiH", br. 74/19).

Pokretanje procesa izrade strateškog dokumenta na nivou jedinice lokalne samouprave je nadležnost općinskih načelnika, tako da je Općinski načelnik Odlukom o pokretanju procesa i imenovanju Komisije za izradu Strategije (u daljem tekstu: "Komisija"), br. 01/2-28-2670/19 od 30.12.2019. godine. Istom Odlukom je imenovao desetočlanu Komisiju u svojstvu radnog tijela u procesu izrade Strategije.

U procesu izrade Strategije primjenjeni su principi razvojnog planiranja i upravljanja razvojem u FBiH: otvoreni metod koordinacije, ravnopravnosti spolova i jednake mogućnosti za sve građane, horizontalna i vertikalna koordinacija, zatim partnerstvo, javnost i transparentnost.

Cjelokupan proces izrade Strategije je otvoren sa aspekta učešća na sastancima Komisije i davanja mišljenja, sugestija i prijedloga, izmjena ili dopuna objavljivanih materijala i to za sve građane, uključujući marginalizirane grupe, socijalno ugrožene kategorije stanovnika, te predstavnike privrednih subjekata, javnih ustanova, javnih preduzeća, NVO sektora, predstavnike MZ, Općinske vijećnike, uposlenike Općine Ilijaš i sl. U svrhu poboljšanja komunikacije je otvoren i poseban mail: [strategija@ilijas.ba](mailto:strategija@ilijas.ba).

Općinski načelnik je u početku procesa izrade Strategije uputio Poziv na partnerstvo na niz adresa potencijalno partnerskih institucija čime je pokrenut proces stvaranja partnerske mreže u procesu izrade Strategije, radi prikupljanja što većeg broja prijedloga, mišljenja, sugestija, te zbog pribavljanja određenih podataka, koji nisu dostupni na nivou lokalne zajednice. U proces izrade Strategije smo pozvali: javna preduzeća, privatni poslovni sektor, NVO sektor, predstavnici MZ sa područja općine Ilijaš, predstavnici škola, značajan broj javnih ustanova sa područja Kantona Sarajevo i sl.

**U ovoj fazi izrade Strategije objavljujemo izrađeni radni materijal pod naslovom: "INDIKATIVNI FINANSIJSKI OKVIR", uključujući pregled strateških i prioriternih ciljeva, te mjera sa detaljnim opisom, koje je predložila Komisija, a isti su usklađeni sa strateškim i prioriternim ciljevima i mjerama iz strateških dokumenata viših nivoa vlasti: Strategija razvoja FBiH 2021-2027 i Načrt Strategije razvoja Kantona Sarajevo 2021-2027.**

U skladu sa navedenim, a posebno radi implementacije principa ravnopravnosti spolova i jednakih mogućnosti za sve građane pozivamo sve zainteresirane strane da uzmu učešće u predstojećim aktivnostima radnih grupa po oblastima, u okviru kojih će se razmatrati objavljeni materijal.

Sastanci radnih grupa će se održati u zgradi Općine Ilijaš – 126. Ilijaške brigade br. 6., po sljedećem rasporedu:

<b>Radno tijelo (grupa)</b>	<b>Voditelj grupe</b>	<b>Prostorija i vrijeme održavanja</b>
Životna sredina i infrastruktura	Meliha Avdibegović	soba br. 21., dana 10.01.2022.g., sa početkom u 09:00 h.
Ekonomski i ruralni razvoj	Merima Osmanović	soba br. 12., dana 10.01.2022.g., sa početkom u 12:00 h.
Društveni razvoj	Sanja Zagorac-Jozić	soba br. 32., dana 10.01.2022.g., sa početkom u 14:00 h.

Prije početka sastanka radnog tijela, voditelj grupe će u predmetnoj oblasti izvršiti kratku prezentaciju radnog materijala (od 15 minuta).

Sve zainteresirane strane u ovom procesu mogu uzeti učešće u radu radnih grupa na način da dostave svoje primjedbe, sugestije i mišljenja na mail: [strategija@ilijas.ba](mailto:strategija@ilijas.ba).

Srdačan pozdrav,

Dostaviti:

1. Putem web stranice
2. Oglasna ploča
3. Voditelj grupe 3x
4. U predmet

